

ACTA DA SESIÓN ORDINARIA DA XUNTA DE GOBERNO LOCAL REALIZADA O DÍA 8 DE ABRIL DE 2025

PRESIDENTA:

D^a Maria Dolores Pan Lesta

ASISTENTES:

D. Juan González Leirós
D. Daniel Mallo Castro
D. Ramón Boga Moscoso
D^a María Yolanda Díaz Baldomir
D. Óscar Tomás Barrientos Morales
D. Raúl Varela Fraguío
D. Manuel Castro Uzal

INTERVENTORA MUNICIPAL:

D.^a Lucía Mata Rodríguez

SECRETARIA XERAL:

D.^a Pilar María Pastor Novo

No despacho de Alcaldía do Concello de Cambre (A Coruña), sendo as nove horas do día oito de abril do ano dous mil vinte e cinco, reúnese a Xunta de Goberno Local, en primeira convocatoria, co obxecto de celebrar sesión ordinaria baixo a Presidencia da Sra. alcaldesa, D^a. María Dolores Pan Lesta, e coa asistencia dos/as Sres./as concelleiros/as D. Juan González Leirós, D. Daniel Mallo Castro, D. Ramón Boga Moscoso, D^a María Yolanda Díaz Baldomir, D. Óscar Tomás Barrientos Morales, D. Raúl Varela Fraguío e D. Manuel Castro Uzal.

Asiste á sesión a interventora municipal, D.^a Lucía Mata Rodríguez, e actúa como secretaria a secretaria xeral do Concello, D.^a Pilar María Pastor Novo, que dá fe do acto.

A Presidencia, tras comprobar nos termos expostos que se dá o quórum legalmente esixido polo artigo 133.1.b) do Regulamento orgánico municipal para a válida celebración das sesións, declara aberta a sesión, pasándose ao estudo e exame dos asuntos incluídos na orde do día da convocatoria.

1.- APROBACIÓN, SE PROCEDE, DO BORRADOR DA ACTA DA SESIÓN ORDINARIA DO DÍA 1 DE ABRIL DE 2025

De conformidade co preceptuado nos artigos 108.2 e 133.4 do ROM, a Presidencia pregunta se existe algunha obxección ou observación á acta da sesión ordinaria celebrada en data 1 de abril de 2025, da que se entregou copia coa convocatoria desta sesión, e non producíndose ningunha, pola Presidencia sométese a votación ordinaria a súa aprobación, sendo aprobada por unanimidade.

Á vista do resultado da votación, declárase aprobada a acta da sesión ordinaria realizada en data 1 de abril de 2025.

2.- BOLETÍNS E CORRESPONDENCIA

De orde da Presidencia, a secretaria xeral dá conta aos asistentes á Xunta de Goberno Local das seguintes publicacións:

- Consellería de Cultura, Lingua e Xuventude, Orde de 24 de marzo de 2025, pola que se regulan as bases que rexerán a concesión das subvencións ás entidades de acción voluntaria e entidades locais

enmarcadas no programa Voluntariado sénior e se procede á súa convocatoria para o ano 2025 (código de procedemento BS508C). DOG número 66, de 04-04-2025.

- Dirección Xeral de Cultura, Consellería de Cultura, Lingua e Xuventude, resolución de 27 de marzo de 2025, pola que se dá publicidade ás axudas concedidas ao abeiro da Orde de 16 de decembro de 2025⁴, pola que se establecen as bases reguladoras da subvención a entidades locais de Galicia para a programación de actividades de dinamización da lectura nas bibliotecas públicas e/ou axencias de lectura de titularidade municipal, integradas na Rede de bibliotecas públicas de Galicia, e se procede á súa convocatoria para o ano 2025 (código de procedemento CT236A). DOG número 67, de 07-04-2025.

- Secretaría Xeral do Tesouro e Financiación Internacional, Ministerio de Economía, Comercio e Empresa, Resolución de 4 de abril de 2025, pola que se actualiza o Anexo 1 incluído na Resolución de 4 de xullo de 2017, da Secretaría Xeral do Tesouro e Política Financeira, pola que se define o principio de prudencia financeira aplicable ás operacións de endebedamento e derivados das comunidades autónomas e entidades locais. BOE número 85, de 08-04-2025.

3.- INFORME DAS RESOLUCIÓNS DITADAS POLA ALCALDÍA E CONCELLERÍAS DELEGADAS DE ÁREA DENDE A ANTERIOR XUNTA DE GOBERNO LOCAL

A Presidencia dá conta á Xunta de Goberno Local das resolucións ditadas pola Alcaldía e concellerías delegadas de área do día 28 de marzo ao 3 de abril de 2025, que comezan coa resolución da Alcaldía núm. 296/2025 e rematan coa resolución do concelleiro delegado da Área de Urbanismo, Obras, Servizos, Transportes e Medio Ambiente núm. 314/2025, segundo se relacionan a continuación:

Nº decreto	Data sinatura	Asunto
296/2025	28-03-2025	Convocatoria da sesión ordinaria da Xunta de Goberno Local do día 1 de abril de 2025
297/2025	28-03-2025	Conceder a axuda económica de emerxencia social para alimentación básica e hixiene persoal, consistente en ata 6 vales nominativos A anuais por importe de 100 euros cada un deles, por tratarse dunha unidade familiar de 1 membro, durante o tempo restante ata cumprirse o máximo de 18 meses establecido na ordenanza reguladora. Solicitante: PVM
298/2025	28-03-2025	Solicitar á Consellería de Política Social e Igualdade a transferencia finalista para o cofinanciamento dos servizos sociais comunitarios de titularidade municipal regulada no Decreto 99/2012, do 16 de marzo, polo que se regulan os servizos sociais comunitarios e o seu financiamento, sendo o importe total do financiamento solicitado, segundo se reflicte no resumo xeral do anexo V, de 1.003.376,07 €
299/2025	31-03-2025	Devolver o aval bancario formalizado por Abanca Corporación Bancaria, SA, e depositado por ARV, na Tesourería municipal por importe de 3.600,00 €, como garantía da obriga de reparación das deterioracións que se pudiesen producir nos camiños públicos con motivo da execución dunha talla de 115 chopos, 80 piñeiros e 12 eucaliptos na finca sita no lugar de Fonte, parroquia de Andeiro
300/2025	31-03-2025	Levantar os reparos suspensivos relacionados no informe de fiscalización da interventora municipal do 28 de marzo do 2025, isto con base no informe do xefe da Área de Urbanismo e Réxime

		Interior emitido en data 31 de marzo de 2025. Aprobar a nómina do mes de marzo do 2025 cun total de retribucións brutas 356.862,98 euros. Aprobar a proposta de mandamento de pago, así coma o seu pagamento, das retencións practicadas na nómina de marzo de 2025 cun importe total de 731,53 €
301/2025	31-03-2025	Iniciar expediente de orde de execución a UFD DE S.A. para a poda das polas da árbores existentes na finca sita no lugar de Fonte Cuntín, Santa María de Vigo, que están a entrar en contacto co tendido eléctrico, de acordo co disposto polos arts. 135 e 136 da Lei 2/2016, do 10 de febreiro do solo de Galicia e os artigos 40 e 57 da Lei 24/2013, do 26 de decembro, do sector eléctrico
302/2025	31-03-2025	Iniciar expediente de orde de execución aos herdeiros de MBRS para a poda e roza da vexetación existente na finca sita na estrada de Cambre –Temple, s/n - Cambre, que está a invadir a beirarrúa na marxe da estrada (DP-1706) e afecta a infraestruturas de iluminación pública, de acordo co disposto polos arts. 135 e 136 da Lei 2/2016, do 10 de febreiro, do solo de Galicia, que obrigan aos propietarios de terreos, construcións, edificios e instalacións a conservalos nas condicións de seguridade, salubridade, accesibilidade universal e ornato legalmente esixibles
303/2025	31-03-2025	Iniciar expediente de orde de execución a AIM, MCIM e EIM para a poda e roza da vexetación existente na finca sita no lugar de Toural, s/n, Cambre que afecta a infraestruturas de alumneamento público e invade parte do camiño de titularidade municipal e a beirarrúa existente na marxe da estrada de titularidade provincial, de acordo co disposto polos arts. 135 e 136 da Lei 2/2016, do 10 de febreiro do solo de Galicia, que obrigan aos propietarios de terreos, construcións, edificios e instalacións a conservalos nas condicións de seguridade, salubridade, accesibilidade universal e ornato legalmente exixibles
304/2025	31-03-2025	Dar de baixa no servizo de axuda no fogar a PMV. Motivo da baixa: A renuncia voluntaria da persoa usuaria. A data de baixa é: 01/04/2025
305/2025	31-03-2025	Aprobar as despesas correspondentes ás achegas do concello pola Seguridade Social do mes de febreiro de 2025, así coma tamén autorizar, dispor e recoñecer as obrigas correspondentes, e o seu pagamento por un importe total de 79.317,84 euros. Aprobar a proposta de mandamento de pago, así coma o seu pagamento, das cotas dos traballadores á Seguridade Social correspondentes ao mes de febreiro de 2025 por importe de 19.688,14 euros
306/2025	01-04-2025	Delegar as funcións que ostenta esta Alcaldía no primeiro tenente de alcalde, don Juan González Leirós, dende as 13:30 horas e durante a celebración da sesión extraordinaria da Comisión Informativa de Presidencia, Economía, Facenda, Innovación Tecnolóxica e Seguridade Cidadá
307/2025	01-04-2025	Convocar sesión extraordinaria e urxente da Xunta de Voceiros para o mércores 2 de abril de 2025, ás 14:00 horas
308/2025	01-04-2025	Levantar os reparos emitidos pola intervención municipal no informe de intervención de data 13 de marzo de 2025, tendo en conta os informes emitidos pola coordinadora de servizos sociais con data

309/2025	03-04-2025	28.03.2025. Aprobar as facturas por importe de 403,99 euros Revogar, con efectos 1 de xaneiro de 2025, as bonificacións do 100% sobre o mínimo facturable determinado para os usos domésticos nas cotas da taxa por subministración de auga potable e da taxa pola rede de sumidoiros, por non achegar debidamente a documentación acreditativa da súa situación familiar, de convivencia ou económica, ou non estar empadroadado na vivenda obxecto de bonificación, conforme ao establecido no artigo 6 da ordenanza fiscal núm. 9 reguladora da taxa polo servizo da rede de sumidoiros e no apartado 1 do artigo 5 da ordenanza fiscal núm.15 reguladora da taxa por subministración de auga, segundo o informe emitido polas técnicas dos servizos sociais municipais de data 14.03.2025. Revogar, con efectos 1 de xaneiro de 2025, as bonificacións do 100% sobre o mínimo facturable determinado para os usos domésticos na cota da taxa por subministración de auga potable e da taxa pola rede de sumidoiros respecto da vivenda por falecemento do beneficiario
310/2025	03-04-2025	Levantar os reparos emitidos pola intervención municipal no informe de intervención data 21 de marzo de 2025, tendo en conta o informe emitido polo bibliotecario arquivado con data 25.03.2025. Aprobar as facturas por un importe total de 1049,09 euros
311/2025	03-04-2025	Levantar os reparos emitidos pola intervención municipal no informe de intervención de data 21 de marzo de 2025 tendo en conta os informes emitidos pola coordinadora de Servizos sociais con data 28.03.2025, pola axente de desenvolvemento local co conforme da responsable da Axencia de Desenvolvemento local de data 28.03.2025 e polo axente de proteccion civil e coordinador do servizo de emerxencia e proteccion civil en funcións de data 31.03.2025. Aprobar as facturas por importe total de 81.339,16 euros
312/2025	03-04-2025	Declarar a caducidade do expediente ao ter transcorrido o prazo máximo para resolvelo sen que se tivera notificado ao interesado resolución expresa. Suspende inmediatamente os actos que está a realizar MFM consistentes na demolición da vivenda unifamiliar sita na estrada da Estación Cambre sen licenza municipal nin comunicación previa, de acordo co artigo 152 da Lei 2/2016, do 10 de febreiro, do solo de Galicia
313/2025	03-04-2025	Ordenar aos herdeiros de JMCh que rocen a vexetación existente na finca sita en Pena, Cella e á poda das árbores que están a afectar a infraestruturas de iluminación pública á marxe do camiño de titularidade municipal (1C.1.0183), de acordo co disposto polos arts. 135 e 136 da Lei 2/2016, do 10 de febreiro, do solo de Galicia e o artigo 19 da Ordenanza municipal de limpeza viaria e ornato público
314/2025	03-04-2025	Ordenar a MCA que pode as tullas existentes na finca sita no lugar de Piñeiro, Brexo ata alcanzar a altura máxima autorizada para os peches vexetais, que é de 1,80 metros, de acordo co disposto polos arts. 135 e 136 da Lei 2/2016, do 10 de febreiro, do solo de Galicia e o anexo 6 das Normas subsidiarias de planeamento municipais

4.- ASUNTOS SOBREVIDOS

Non se tratou ningún asunto sobrevido.

5.- ROGOS E PREGUNTAS

Non se formulou ningún/ningunha.

E non existindo máis asuntos dos que tratar, a Presidencia levanta a sesión, sendo as nove horas e dous minutos do mencionado día, estendéndose para a debida constancia a presente acta, do que eu, secretaria xeral, dou fe.

Visto e prace

A presidenta

María Dolores Pan Lesta

A secretaria xeral

Pilar María Pastor Novo